

En Ponteareas, a 26 de setembro de 2022.

REUNIDOS

Dunha parte, dona MARÍA CRISTINA FERNÁNDEZ DAVILA, con DNI 36082682Y, alcaldesa do Concello de Ponteareas.

e, doutra, Miguel A. García Correa con DNI 36.040.402-T, presidente da Asociación de Alfombristas do Corpus Christi de Ponteareas, quen comparece en nome e representación da mesma.

EXPOÑEN

I. Que a Asociación de Alfombristas do Corpus Christi de Ponteareas, vén desenvolvendo diversas actividades de promoción das alfombras de flores do Corpus Christi propias dos seus fins.


II. Que o antedito labor vén a satisfacer necesidades de divulgación e promoción da confección das alfombras de flores, realizadas en Ponteareas para o paso da procesión do Corpus Christi, tradición que se mantén viva dende hai dous séculos e recoñecida como Festa de Interese Turístico Internacional. Tamén é necesaria a presenza e participación de alfombristas de Ponteareas nas entidades de arte efémera de carácter internacional así como noutros eventos dentro do Estado Español, motivos polos que o desempeño da Asociación resulta útil para unha maior proxección da Festa do Corpus Christi a nivel internacional.

III. Que, en base ao antedito, resulta primordial que se manteña o funcionamento da Asociación de Alfombristas do Corpus Christi de Ponteareas e que siga a desenvolver as labores antes referidas. E que, en orde a colaborar activamente coa Asociación no cumprimento dos fins que lle son propios, entende oportuna a subscripción do presente **CONVENIO DE COLABORACIÓN**, que se rexerá polas seguintes

CLÁUSULAS

PRIMEIRA.- Asociación de Alfombristas do Corpus Christi de Ponteareas, en virtude do presente convenio, obrígase ante o Concello de Ponteareas a desenvolver as seguintes actividades durante o presente ano 2022 :

- Actividades de promoción de divulgación da festividade do Corpus Christi así como da confección das alfombras de flores, tanto no Estado como a nivel internacional, participando en eventos relacionados coa confección de



alfombras de flores e de arte efémera.

SEGUNDA.- Durante o presente ano 2022, a Asociación de Alfombristas do Corpus Christi de Ponteareas colaborará, a petición do Concello, nas actividades relativas ao Corpus que a Institución Municipal realice fora de Ponteareas.

TERCEIRA.- O Concello, en apoio do funcionamento da Asociación, e dadas as actuais circunstancias económicas e xa que logo as dificultades para captar recursos, contribuirá ao mantemento da mesma coa achega de 5.000,00 Euros.

CUARTA.- O Concello designará en calidade de representante un/unha interlocutor/a para o seguimento da execución do presente Convenio.

QUINTA.- O pago da achega económica que o Concello compromete a través do presente Convenio farase efectiva na conta facilitada pola asociación, previa presentación por parte de Asociación de Alfombristas do Corpus Christi de Ponteareas, dunha Memoria económica xustificativa dos gastos devengados na execución do obxecto do presente Convenio. Así mesmo, a Asociación de alfombristas comprométese a presentar os xustificantes da realización efectiva das actividades que se subvenciona e do importe concedido antes do día 15-10-2022.

Así mesmo, se incorporan os xustificantes para o pago, un informe emitido polo/a responsable municipal de seguimento do convenio, designado conforme a cláusula anterior, acreditativo de terse cumprido o seu obxecto.

SEXTA.- A execución do presente convenio farase con cargo á aplicación orzamentaria 33000 4802005 do orzamento municipal do ano 2022.

SÉTIMA.- A vixencia do presente convenio estenderase desde a data de súa sinatura e ata o 31 de decembro de 2022. En caso de que o beneficiario non aporte a xustificación completa de los gastos realizados, con toda a documentación antes enumerada, con data límite 14/10/2022, decaerá o dereito da percepción de los fondos concedidos.

OITAVA. Interpretación e xurisdición

Todas as cuestións que poidan aparecer a interpretación e execución do presente convenio, considerando a súa natureza xurídico - administrativa, serán sometidas ao orde xurisdiccional contencioso-administrativo.

NOVENO.-Lexislación Aplicable.

En todo o non previsto neste Convenio, estarase a disposición da Lei xeral de subvencións, 38/2003 de 17 de novembro, e no regulamento aprobado polo Real decreto 887/2006 da Lei 9/2007, de 13 de xuño de subvencións de Galicia.

DÉCIMA. Publicidade do convenio

En cumprimento do disposto no artigos 18 e 20.8 da Lei 38/2003, do 17 de novembro, xeral de subvencións (LXS, en adiante) comunicáraselle a



subscrición deste convenio á Base de Datos Nacional de Subvencións que opera como sistema nacional de publicidade de subvencións.

Segundo o artigo 17 da Lei 1/2016, do 18 de xaneiro, ademais da información que debe facerse pública segundo a normativa básica en materia de transparencia, o Concello de Ponteareas publicará o texto íntegro do convenio no portal de transparencia.

Así mesmo, estarase ao disposto no artigo 15 da Lei 1/2016, do 18 de xaneiro, de transparencia e bo goberno, sobre as obrigas específicas de información sobre convenios.

O que asinan as comparecentes, por duplicado e para un só efecto, no lugar e data indicados *ut supra*.

Concello de Ponteareas

Asociación de Alfombristas do
Corpus Christi de Ponteareas

Asdo.: María Cristina Fernández Davila
Correa

Asdo.: Miguel A. García

